

Broj: 02-05-450-1/18

Datum: 11.04.2018. godine

Na osnovu člana 64. stav 1. tačka b), člana 70. stav 1., 3. i 6., Zakona o javnim nabavkama („Sl. glasnik BiH“ broj 39/14), na preporuku Komisije za javne nabavke broj: ZP-02-05-450/18 od 06.04.2018. godine u postupku javne nabavke roba – Nabavka potrošne papirne galanterije, direktor donosi:

## **ODLUKU o izboru najpovoljnijeg ponuđača**

### **Član 1.**

Prihvata se preporuka Komisije za javne nabavke broj: 02-05-450/18 od 06.04.2018. godine i ugovor za javnu nabavku - Nabavka potrošne papirne galanterije dodjeljuje se ponuđaču Defter d.o.o. Sarajevo, za ponudenu cijenu od **15.997,50 KM** bez PDV-a, kao najbolje ocijenjenom.

### **Član 2.**

Prijedlog ugovora o nabavci dostaviće se na potpis izabranom ponuđaču po proteku roka od 15 dana računajući od dana kada je ponuđač obaviješten o izboru najpovoljnije ponude. Izabrani ponuđač je dužan u roku od 5 (pet) dana od dana prijema ove odluke dostaviti dokaze tražene tenderskom dokumentacijom.

### **Član 3.**

Ova odluka objavit će se na web-stranici [www.jpsarajevo.ba](http://www.jpsarajevo.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 4.**

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2 Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-05-303-1/18 od 21.03.2018. godine. Javna nabavka je provedena putem Konkurentskog zahtjeva. Procijenjena vrijednost javne nabavke bez PDV-a je 30.000,00 KM. Konkurentski zahtjev za nabavku usluga potrošne papirne galanterije objavljen je na portalu Agencije za javne nabavke dana 21.03.2018. godine.

Komisija za javne nabavke imenovana je Rješenjem broj: 02-05-303-2/18. Komisija za javne nabavke dostavila je direktoru preduzeća Zapisnik o ocjeni ponuda broj: ZP-02-05-450/18 od 06.04.2018. godine i Preporuku o izboru najpovoljnijeg ponuđača, u postupku javne nabavke robe – nabavka potrošne papirne galanterije.



Dana 11.04.2018. godine Komisija za javnu nabavku dostavila je Zapisnik o ocjeni ponuda broj 02-05-450/18 od 06.04.2018. godine sa Izvještajem o toku i završetku e – aukcije i obavjest Agencije o okončanoj aukciji i najpovoljnijem ponuđaču nakon završetka e-aukcije.

U postupku po izvještaju o radu utvrđeno je da je Komisija za javne nabavke blagovremeno i pravilno izvršila otvaranje ponuda 04.04.2018. godine, o čemu je sačinila odgovarajući zapisnik, u kome je utvrđeno sljedeće:

- da je ukupan broj pristiglih ponuda tri
- da su blagovremeno zaprimljene tri ponude
- da nema neblagovremeno zaprimljenih ponuda
- da su ponude ponuđača prihvatljive i mogu učestvovati na e-aukciji.

E – aukcija zakazana je dana 09.04.2018. godine sa početkom u 10:00 sati u trajanju od 15 minuta.

Nakon završetka e-aukcije ugovorni organ dobio je obavjest Agencije za javnu nabavku BiH o završenoj e-aukciji i najpovoljnijem ponuđaču nakon završetka e-aukcije.

U postupku ocjene provedenog postupka, direktor nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen jer je najpovoljniji ponuđač nakon završetka e-aukcije:

- Defter d.o.o. Sarajevo
  - ukupna cijena ponude bez PDV-a 15.997,50KM.

Izabrani ponuđač je izabran primjenjujući kriterij najniže cijene, koja je ponuđena u iznosu od 15.997,50 KM bez PDV –a.

## **POUKA O PRAVNOM LIJEKU**

Protiv ove Odluke može se izjaviti žalba Kancelariji za razmatranje Žalbi, putem ugovornog organa, najkasnije u roku od 15 (petnaest) dana od dana prijema ove Odluke, na adresu:

J.P Sarajevo d.o.o. Sarajevo , ul: Brodac br: 1, 71 000 Sarajevo.

**Direktor**  
**Esad Tanović dipl.ing.**

### **Dostaviti:**

- Ponuđačima
- a/a